

中東戰紀本末續編

貞

中東戰紀本末續編卷之四

合初編卷之十二

美國林樂知榮章譯訂

上海蔡爾康芝絨纂輯

改政急便條議

美國舉人李佳白著

方今中外之士言中國宜改行新政者。或正襟端笏侃侃而談。或瀝膽披肝諄諄而道。要皆深望中國之由蹇而解。由困而升。持論雖萬有不齊。存心實一無所異也。特以勢處阨危。時遭艱險。假使通盤籌畫。務極詳審。周密執政者。與窮年莫究之嘆。抑更遇事張皇。務為豫大。豐亨理財者。抱棉力難勝之懼。雖有良藥如苦口。何雖有忠言如逆耳。何竊謂窮必思變。惟從較易者先為之。導異時自日起而有功。屈而求伸。當擇最急者力致其行。他事自風從而漸化。謹陳八事。皆不傷財不擾民者。朝廷採而用之。其法剋期可成。其效操券可致。易曰。隨時之義大矣哉。書曰。民之所欲。天必從之。以今日而言改政。誠合隨時之義。而仰窺天意。俯察民情。又必有惟動丕應之機。一勞永逸之勢。嗚呼。豈僅連方羈旅。拭目而俟之也哉。一曰重農以奠民食。夫國之安危視乎民之肥瘠。是以古先聖王未有不汲汲於農功者也。後世農官寢成虛設。糧糶襁褓謀及庶人。於是溝洫之利不修。而水旱洊至。糞田之法不講。而穎粟難期。餘九餘三其可得乎。方今泰西諸國精求格致化學於樹藝。糞溉製器利用諸事。凡所以為民謀者在在。

究心責無旁貸。此西民之所以樂也。擬請京師立一農部。用中西精通農學之人。分往各省。精心查勘某地宜用某種某田宜用某器。或某省人滿而地不足耕。或某省地曠而人不敷用。一一開載簡冊。限日回京。繳送農部。裁奪具奏。頒行天下。從此地不愛寶。國無游民。民富而君無不足矣。

二曰建學以儲人才。孟子曰。君子勞心。勞心者。非謂任事之後始見爲勞也。入學之日。卽殫其勞。孔子曰。學而優則仕。是故唐虞命官。工虞水。火孔門。酬知兵農禮樂。優於何學。卽用爲何官。方不至有美錦學製之誚。擬請京師立一總學堂。凡文事武備。天文地理。算學格致。化學農學。商學工學。萬國史學。萬國公法。以及各種要學。皆聘明師教之。准各省俊髦之士來總學堂肄業。無論何等學問。其考列上等者。給予文憑。以備選用。其各省所設之新學堂。皆屬於京師之總學堂。而不得分總學堂之權力。將見天下賢才輻輳。京師於以求干城腹心之寄。不難矣。

三曰取才以獲實用。夫京師爲首善之地。京師既立總學堂。則各省之學堂。勢必漸次增廣。而官紳商富家之子弟。亦必爭先恐後。以圖風雲之際會。此時而不急定考試之新法。收用其才。豈復有好學之人乎。擬請國家於院試鄉試會試殿試舊例中。增益各等科目。凡有何等學問。何等才略。考試確實。果有實用。卽按人數拔取。亦由院而鄉而禮部。殿廷按級考升。列爲科名。如此則先代

之成。憲與因時之新例並行而不相悖。且學非所用。用非所學之積習。亦可以漸除矣。

四曰專任。以定趨向。人情莫不好榮而惡辱。好富貴而惡貧賤。使明知榮辱有所由。分富貴貧賤有所由。判則其志素定。而趨向不惑於歧途。夫建學以儲才。設科以取士。非欲得人而用之乎。既欲得人而用。而或任他途之混雜擁擠。則科甲不貴。求其畢生心力盡殫於學問之中。仍難得之數也。擬請國家定例。後專任科甲爲官。彼得列科甲者。無論中西學問。必有卓越恆流之處。至捐輸一途。卽不能驟裁。亦宜限以則例。只可受銜封。不能任政事。其真有才略者。可由督撫保薦。先入總學堂者。試然後收入科甲之中。如是則賢才無不升。而官方無不飭矣。

五曰制祿。以勸官吏。國家庶政紛繁。君不能獨治。必建官以分其任。簿書執掌。官不能總理。必擇吏以佐其功。夫此官吏者。以身奉公。不能兼理生計者也。故朝廷制祿。精以養之。俾無憂於終窶。而後修其職。乃能任其事。然就中國近日而論。大約祿養略薄。加以上游需索。公事賠墊。且廉俸入手之時。七折八扣。所餘無幾。官吏迫不得已。各取陋規。以爲生計。陋規多則缺肥。陋規少則缺瘠。此所以無廉潔之官。清正之吏也。擬請朝廷細按公義。定一切大小官員及胥吏之俸。務在豐蓄。得宜既不。可恣其驕淫。亦足以養其廉恥。斯股肱之寄。可以得而指臂之使。可以收矣。

六曰設法以勵操守。夫官吏所食之祿足以贍其身家而不憂於貽累則俸祿外非義之財上焉者思國恩而不忍取愛己身而不肯取次焉者畏人知而不便取防後患而不敢取似不必以律法爲之懲戒矣。雖然猶欲貪利者人之情也隨俗效尤者人所習也擬請朝廷於制祿後嚴申禁令若有不肯官吏貪得俸祿以外之財一經發覺財產先籍沒入官身嬰重刑再罰令幾世子孫不得爲官爲吏此律一定苟非喪心病狂之人斷不肯甘冒不韙以貽累世之殃矣。

七曰舉善以公仕路。夫國家之仕者爵有高卑權有輕重祿有厚薄雖等差不齊然皆辦天家之事莫庶民之生者也故善人在位則政教進而日上小人在位則運會降而日下何謂善人有德有才之謂也何謂小人無德無才之謂也顧天下之人無有生而能知者惟有以教之而不知者可知不能者可能故天下無論何教凡以綱常倫紀爲重又能啟牖靈明分別善惡者卽不能謂之異端旣非異端卽爲人人可共由之路不必分門別戶過存畛域但視學道之人果有才德則竟謂之善人而已矣擬請國家於取士之際自赴考以及入官止尙才德不問所奉何教所遵何道一例選用則視西國過遵國教教外人不准爲官者高出一籌而賢才無屈抑矣。

八曰經武以備不虞。今天下議者動謂中國宜專主敦睦西國亦志在弭兵據此而論似武備可作緩

國雖天命難知人事不齊立國於強鄰逼處之中不及無事之日整軍經武非古人未雨綢繆之意也。顧中國軍政廢弛已久。若仍蹈從前覆轍。誠不足以禦侮。擬請京師立一總軍務處。總制各省武備。再令各省及各海口。選練海軍陸軍。專用新法。凡營壘之成式。槍礮之命中。器械之便利。以及攻守之法。步伐之度。皆延精通新法者。勤加訓練。數年之後。集成勁旅。而由京師謀畫調遣。如人身血脈呼吸通靈。亦可以衛國而保民矣。

東三省邊防論

此論已呈軍務處王大臣

美國華人李佳白

俄國開築西伯利亞大鐵路。關係重大。中國亦深以為慮。故獨重吉黑之防。今計吉林練軍。歲餉八十餘萬。黑龍江練軍。歲餉三十餘萬。兵費不可謂不多。然日本小敵耳。一旦失和。東三省幾無一兵之用。若俄人既成鐵路。肆其開疆拓土之心。藉端生釁。以擾東海。不識中國何以禦之。近兩年間。俄國有慶弔之事。國家迭遣重臣。修好講睦。有逾曩昔。第觀其外。似無庸外人過慮。然中日之役。俄阻割遼。而不阻割臺。以中國形勢。遼固重於臺。以萬國公法。言阻割臺之辭。嚴於阻割遼之辭。俄顧悍然阻此。而舍彼者。其意明甚。盟不可信。交不可恃。不幸而事機相迫。中國卽有何賈之辯。責育之勇。能解免於俄乎。且俄亦不必敗盟以興戎也。出其收復伊犁。居為奇貨之長。技萬一取東三省於內寇之手。中國無辭以詰難。陵

寢所在。列祖創業所基。竟淪異族。聞嘗獨居深念。蓋有大不忍言者。國家亦嘗慮及否也。倭人雄長地球之心。非伊朝夕。既不能取。肯思丹一作康斯但提那泊突厥都城名也。以拊英法之背。乃築西伯利亞鐵路。以建東海之領。此其故。歐美各國共知之矣。余居中國十有餘年。言語飲食衣服居處。無非華也。亦既自視爲華人矣。履華之士。卽受華之惠。每思披肝瀝膽。有以報稱。值此迫不及待之勢。誠不敢緘默不言。敢擬管見四條上備。國家採擇。

一曰興農政。以靖姦宄也。耕鑿易則力穡多。衣食充則莠民少。一定不易之理也。中國之在地球。人倍於他國。而地半於他國。卽盡闢之。且嫌其狹。而乃處處有不墾之田。不治之山。雖曰沃瘠不同。亦由農器古拙之故。夫樹藝之事。過於艱辛。惰窳之民。必相觀望。始也廢其本業。繼也入於下流。漸至迫於飢寒。終且流爲盜賊。此在腹地。省分不過狗偷鼠竊。胥篋以害商旅而已。若夫東三省者。逼近強鄰。民情獷悍。兼以旗漢雜處。馬賊金匪。蟠結深固。無事之日。尙虞蠢動。一旦有暗相煽誘者。必至釀成莫大之患。尤宜先事預防。爲消釋。應請國家仿照英美諸國之法。設立農學。於東三省。使其民講習。西人輪年更種。疏穀栽麥之法。務使山澤原隰。各盡其利。竹木果實。各得其宜。而復廣墾溝渠。以洩地中之水。購辦新犁新機器。以省耕鋤之力。漸至務農之家。共享收穫之利。而不知朋黨之

昔漢蒙教人人各有田園之樂自然各勤其業不生意外之想不作分外之事即有敵人播弄其間亦無從誘之使亂矣嗚呼農爲四民之本俄國先皇彼得甚至降君主之尊下與田夫耒耨之利鈍乃中國之牧民者往往不屑措意又狃於耕田若用機器恐有農人失業之成見語以事易人樂之效百工俱作之盛皆殊夢夢何其偵也茲請將屯墾諸務認真整頓以裕民食而備旱潦是爲靖內第一要義

二曰設口岸以固險要也奉錦視旅順爲安危旅順以金州爲得失大連灣與金州澳南北陸路相隔僅一二里若使陸路越鴨綠江循黃海北岸西趨金州海軍入大連灣斷南北之衝則旅順爲絕地而海蓋不能支甚至奉錦破膽津沽震動此誠北洋鎖鑰非特謀遼東者所當亟謀設守也然以周圍數百里孤懸入海三面受敵之地絕無大隊鐵船以爲外護僅恃中國礮臺戍兵欲其永遠鞏固實屬萬萬不能計惟有開拓大連灣通商口岸一法聚各國安業之商擊一國橫噬之肘是爲無形之防應請國家照會各國許以大連灣爲通商口岸使各國羣沾應有利益不任一國獨操壟斷夫明與各國一口岸以廣商務暗使各國興商務以固險要此亦策之至便者矣況中國各直省通商口岸皆由各國要挾而開及考道光以來凡屬通商處所各國未以一矢相遺縱曰出口之銀日

增一日似多一口岸。卽令民間多耗一分資財。不知此等弊病。皆由中國不知變通所致。誠使廣購機器。凡歐美進口諸貨。爲民間所必需者。皆能自行製造。則多一口岸。適令各國多受一分虧累耳。而且允立口岸。出於干戈之後。各國勢將效尤。駸駸不已。中國洋務難辦。是屬自貽伊戚。此次誠能以大公之說。布告各國。則各國皆知中國翻然改圖。業已深悉通商之有利無害。此後卽有商務齟齬。暨他事鑿枘之處。自能以信義相喻。不必動輒稱兵橫相恫喝矣。

三曰開鐵路以宏規模也。今日戰禍之烈。爲千古所未有。卽爲各國所共畏。故美國與英國現擬立遇事公斷。永免戰禍之約。而橫如法。銳如德。強如俄者。亦必固結一二國。以自重誠。以今日之戰勝負。決於頃刻。智者失其爲智。勇者失其爲勇也。然必勢力相等。寇能來我。亦能往。乃足生他國忌憚之心。至於中國。則海軍之孱弱。不能越雷池一步。其有陸路相鄰者。又無鐵路以速其轉運。昔閩撫丁雨生中丞有云。器械不同之國。則器械利者勝。器械相同之國。則先下辣手者勝。旨哉言乎。中國器械不難日益精良。然環顧地球。更無一可先下辣手之處。各國之膽。日張。中國之氣。日餒。馴至不能戰而和局益不支。此雖海軍單薄。亦不開鐵路之咎也。日本難作。中國亦既自知之。故於變法第一義。卽議開南北大支鐵路。然此止可爲自守計。不能防他國之陰謀也。西伯利亞鐵路告成。東三省

之邊防正同今日海防支離萬狀無一而可且東三省地勢散漫尤非鐵路不能聯絡若過崇山疊嶂大可鑿而通之應請國家亟行開辦務與俄路緊要處支幹相聯一收通商之利一防日後之禍否則俄工告竣安肯以數十年之謀畫數垓金之工程甘心棄擲於冰天雪窖中哉中國若不早思變計異日者俄人取道滿洲直達海口中國絕大權利不得不讓與他人興言及此能不寒心今機會已至時不可失倘以需款甚鉅爲慮自應招商承辦或由西商集股包辦卽令歸與國家應得之利益若鐵路利薄之處商人或棄而不顧則當於下令之始明白曉示必能兼利薄利厚之路統行攬辦方准具呈承領抑又有說者東三省鐵路固可令洋商承辦然必辨其爲何國之商倘不詳細審慎誤令垂涎藏奸者握其柄則求益而反以招損所謂失之毫釐謬以千里也愚謂美爲修好之邦素不干預他洲國事環地球無不知之中國若以鐵路之事付諸美商則內無紊政之虞外杜強鄰之口實爲善策余以美國人而爲此說非有私於美也統觀五洲大局舍此別無可以立中國於萬全之地因而不避嫌疑據事直陳執政者當諒之矣

四曰興鑛務以收利權也遼東僻在一隅黑龍江地居極北水土凝厚山川蒼莽地中元氣鬱久不發五金之鑛隨處多有國家初未專意經營民間匪類往往蟠踞於是有金匪之名然金匪僅恃淘

洗以得金其利實屬無幾且與國家絕無所益曾經北洋派委幹員會同美國商人擇地開採而行之不久旋即廢棄遂令無窮寶礦埋沒至今俄人處心積慮眈眈不已西伯利亞路工經費未始不欲取償於此中國亟宜及早辦理請申督辦軍務處延聘西國深明礦學結實可靠之人使之游歷東三省各地除長白山永宜封禁外一遇鐵苗發露即日電達星速開辦中國辦理礦務積有數弊官紳毫無把握謾指一地謂爲有苗以冀集股一也土人假作鐵苗埋之地中冀倖其地重價出售二也商人資本不厚不能持久一不獲利棄之如遺三也華人礦學未精辨認不確雖有寶藏無由洩露四也官吏意圖中飽多所需索一經督理利不歸公五也積此五弊遂使二十年來處處開鑛國家毫無寸益良可浩嘆今若能任可信之西人自無以上五弊而且五弊既除更有四益一先聲奪人使俄絕念二化匪爲工內患不生三邊餉充裕練兵有資四商人集本自相保護竊計此事爲今日東三省邊防至要之著但須用得其人信之深而任之專耳

右鄙見四條舉遼東言也爲俄國發也至於天下大局應革之弊應興之利指不勝屈內外諸臣亦多有言之者無如中國之事類多後時而動如北塘既敗乃議製造輪船琉球既陷乃陳六條事宜安南既割乃設海軍衙門日本既勝乃辦南北鐵路皆是也夫五口互市以來五十餘年矣出使之臣遍於地球

務棘手。婦孺皆言。可謂閱歷艱苦。盡知情僞。然從未有機先逆料。慎密布置之一策。且區區事後防維。猶復辦之不逮。行之不毅。游移數載。仍無眉目。往返商量。徒勞紙筆。余蓋早夜以思。萬不解中國自甘萎靡。何以如此之深且固也。今者天啟之心。人助之謀。皇太后垂訓於深宮。皇上奮發於堂陛。眾正盈廷。內外交儆。佳白歡欣鼓舞。竊望中國忽有大勝特勝之一日。十萬里外。羈人旅客。值此際會。與有榮焉。嗚呼。需者事之賊也。敗者勝之藥也。一時之禍福。雖在朝廷。萬世之褒譏。終歸鈞軸。敢以狂瞽之說。悠謬之譚。進伏願當局諸公。實圖利之。

民教相安議

美國舉人李佳白著

中西通好以來。歷有年所。始而相處未久。相知未深。時或動於浮言。妄相揣測。今則三十年無他故。可謂信義昭乎邦交。永固。然猶不免稍有扞格者。則傳道一事。歧之也。夫傳教爲西國之首務。而守舊又中土所最拘。固結莫移。積重難返。其不能挽彼以就此。猶不能驅此以適彼也。設於此持之過急。而交有譴焉。處之一不得當。爭端必由是起。此實中外安危之機。豈細故云爾哉。夫交之所以能固者。惟相見以誠而已。苟使各降其心。各盡其道。勿矜同而訛異。勿是己而非人。勿強干分外之見。聞勿側重局中之規例。猜嫌悉泯。形迹胥闕。而謂民教尙不克相安也。天下甯有是理乎。試觀中土二民之興。皆自漢代。今將二千

年在上者猶問有斷斷在下者迄未聞紛競雖二教迭有盛衰而彼此不靳相勝用能各盡其疆兩無妨害縣縣勿替並行以至於今也所願西來之士知夫道之行也自有時固非旦夕可幾而需之以漸內地之人知夫教之設也不相悖無庸嫌疑妄起而爭之以恆一則隨地制宜力破固執之成見一則通時達變勿泥尊攘之舊文風俗之易移匪易詎能驅迫以同途儒生之口舌幾何不必侈談夫拒闢交以道而接以禮爾無詐而我無虞習而狎焉久而化焉豈徒閭閻一方之安而實邦家萬世之慶也不揣固陋謹擬四端開列於後

第一端論教士各有當盡之本分 一自來西國所傳之教有兩途焉一曰耶穌一曰天主循其名雖與中國各等教門不無稍異之處而究其實則同一勸善之意於國家毫無所損是以朝廷特沛厚恩准西國教士在內地及通商海口等處設堂傳教各教士宜如何竭盡其力使人不致生疑而收與人爲善之樂乎 二和約條款內載明外國人在華一切悉歸其本國關照保護與中國無涉愚以爲各教士在內地傳教本國官長既不能隨其所居而保護之似不得不求中國官長關照故教士等務當格外體恤中國官長之難以報懷柔遠人之德 三西教士既在內地於分爲客總宜遵主人之禮貌而順主人之情此天下各國自然之理也 四內地所設之教堂不必盡循西國洋

樓之式務須隨地制宜使人不致疑而構怨。五教與教不同而亦有相同之處。教士等務當多傳通行之禮與衆心所服之善事。自然彼此洽和而泯爭執矣。

第二段論奉教者各有當盡之本分。一、自來傳教者乃西國之人而奉教者則中國之人也。推其所以不免相累之處。或緣奉教華人無端受他人之凌辱。或因其人倚仗外國權勢欺壓平民。致招衆人之怨。教士若從中調處代伸其理。爲民教和好起見。誠無不可。然爲華人計。無論奉教與否。皆爲中國之民。務當守中國之律。斯爲最妥之著。二、華人奉教之先。主教者當細訪其行止。可收者收之。不可收者則去之。至於耶穌教遵守中國規矩。至爲嚴密。從無犯法違律之事。儻奉教者敢蹈非幾。教堂卽令其迅速出教。萬不能有所庇護。致礙官長照律治罪之條。三、奉教者遇有訟事。雖可求教士代爲伸懇。然教堂不必拘定情面。不分事之巨細。理之可否。而概爲准行。惟勸奉教者格外盡心思。爲中國良善之民。萬不可驕矜自大。藐視官長。抗違法令。四、朝廷旣許各省之民隨意奉教。且嚴禁一切欺虐逼迫之事。奉教之人卽應力行有益於國之事。以報朝廷厚待之恩。而勉爲良善之民。五、奉教者儻被人凌辱逼迫。亦應委曲隱忍。善爲調停。萬不可恃其聲勢與地方官譁論。使南面者事事棘手。大難爲情。況傳教係天下第一善舉。不惟西國有名有德之人樂於從事。

亦朝廷所已允行。各處教中人。不過欲化人。一心向善。萬國同風。此外別無他意。其法莫良於此。而顧難以不良之舉動。奚其可哉。

第三端論教外之人。各有當盡之本分。一、民教相安。原非一面之事。故不但奉教者有當盡之本分。卽教外人。亦有當盡之本分。二、奉教與否。各聽其人之自便。未奉教之人。何必強阻其親友之奉教。致有一切凌辱逼迫及出族妄告之事乎。三、中國各教中善士。雖向異於西國所傳之教。然大意則無不同。務須彼此相助。以成一切於人有益之善事。不得分門別戶。各存畛域之見。以致諸多不睦。互相攻訐。四、朝廷業准西士之傳教。與儒釋道三教一例通行。爲中國之民計。無論何省何時。亟宜仰體皇恩。不可擅行禁止。顯違諭旨。

第四端論中國官長。亦各有當盡之本分。一、中國以官長爲尊。各有權柄。總宜豫先設法。保全地方。慎重職守。卽或有人滋生事端。亦當迅速彈壓。俾免釀成巨案。二、嗣後有地方之責者。每遇民教相關之事。不妨准西國教士自行陳說。無使其有轉折難白之懷。且若有重大事件。卽當稟請本省督撫妥慎核辦。以免教士伸懇於本國欽差領事等官。致成兩國交涉公事。三、中國官長與西國教士往來。雖非載在和約。然亦不得謂有違於和約。儻能如此行之。不但兩國俱有裨益。且可使無

數疑難重大之事不致有所掣肘不然官長在此小事尙不肯盡力若較此更爲重大之事安克其妥辦乎。四西教士在各省置地或造教堂或設醫院或創書院地方官必先出示剴切曉諭民間以免嫌疑儻官長不能以公正居心而力祛一切暗昧之事吾恐無知愚民勢必羣起而與教堂爲難於戲可不慎歟。

建都平議

晉定姚大榮撰

西安古名都慕漢攀唐之士恆樂道之故談宅京者莫目直注津沽渤海遼邇宸垣洋禁大開海船鱗萃庚申之役英法興戎長驅犯順取盟城下印卒潮勇耀威輦轂島客番婦僭宅淀園遷都之議於是萌芽比歲以來強俄橫絕壯志西遏銳意東出混迹南牧鮮卑里部官書曰悉畢爾常譯曰西伯里亞部汽車鐵軌將次告竣綜其爲患數端割我要區蝕我邊卡環我三面據我腴壤涎我陪都寢我楊側駭我有衆倭國

梟雄

日本自漢至唐初見於中國史籍者皆稱倭或稱倭奴至唐開元天寶間乃有日本之目王摩詰集有送祕書晁監還日本詩是其證其所以改稱日本之由新唐書謂爲稍習夏音惡倭名更號日本

者說亦未確惟張守節史記正義夏本紀島夷卉服注云倭國武皇后改曰日本國考武后長安二年倭遣大臣朝臣眞人粟田眞方物是日本之稱實則天所改當在長安二年入貢之時守節生當是時見開最近最確拈出以質博通之士勞勞西顧并兼坐大不後於俄竊我庫葉更名唐太以易千島庫葉島本中國屬地其何時爲日本竊據不可考查

葛維廉地理全志之刻在咸豐初年據云庫葉島貿易止通吉林間通日本其止通間通字樣分別主客顯然後重纂之本則改云貿易止通日本滿洲俄羅斯人今已開闢土疆其由中而日而俄之蹤跡亦顯

然是中國之失庫葉島必在咸豐末年中土多事之日矣滅我琉球改建沖繩以爲縣鄙斷我東藩封我臺疆賈我腹地飽我膏血奪

我生計於是東北之事棘而西遷之議煩夫遷都代有遠古無論宗姬以還自明成祖外振興者誰前人

辨論已晰何煩罄竹客難曰遷都而後仍務振興非媿安也然則振興之法必遷地爲良乎前代遷都者

豈竟不談振興胡無一效驗乎治家者如慮宅近市染嫻習或來意外虞則峻其垣墉肅其門庭以勤儉

樹型模以詩禮訓子孫而約束奴僕維謹且凡事躬檢核俾百務皆舉四鄰輯睦家政肅而外讐自絕不

此之圖而荒先疇棄舊廬卜居僻邑或徙遠村鄙諺曰搬窮走死正此謂矣此北諺也南諺曰東場搬到西場三日飯糧西國之諺曰

遷屋三回如遭火災此皆安土重遷之明證也而况都城重地哉樓鑿仙史附注烏云振興耶客曰俄之強大肇基彼得別舊都營新邑豈非盛

軌曰彼得遷都誠是客不言遷已耳如效所爲吾請舍西安而議天津客曰今議西安正以海氛逼也天

津何取曰吾非以天津爲可客舉彼得例故吾舉類彼得堡者彼得由摩斯科曩譯作木司寇徙尼瓦河口面波

羅的海與天津臨渤海形勢正同其徙也創水軍擴商務拓地非避地就敵非怯敵吐故納新樸陋日革

今之動而五洲懼靜而五洲息聲威烜赫冠地球皆一徙力效彼得徙用彼得法豁成見狎海客博西學

育羣才厚生理牖民智聖天子振軍經武親御鐵艦以時校閱水師尤便北行黑水南至瓊崖海疆浩

淼一水直達時巡萬里雄長五洲基於一徙皆意中事且俄新都有近西國益亦有近西國害而不受